



DUTA...Mawi akan memeriahkan pelancaran terbaru restoran Marrybrown di pusat Penang Times

## Cawangan terbaru Marrybrown

**G**EORGETOWN: Rangkaian restoran makanan segera, Marrybrown, akan melancarkan pembukaan cawangan terbarunya di pusat beli-belah Penang Times Square pada 12 Disember ini dan diceriakan lagi dengan penampilan istimewa dutanya, penyanyi Asmawi Ani atau Mawi.

Dalam satu kenyataan akhbar yang dikeluarkan Komunikasi Korporat Ivory Properties Group, cawangan terbaru restoran itu mendapat sambutan daripada penduduk negeri ini sejak beroperasi dua bulan lalu.

Menurut kenyataan itu, dengan membawa konsep lebih segar selain rekaan dalaman restoran menarik, Marrybrown berjaya menarik pelanggan untuk menikmati menu istimewa restoran berkenaan.

Marrybrown adalah perniagaan francais terbesar tempatan yang diasaskan pada 1981 dan sehingga kini mempunyai 300 cawangan dalam dan luar negara.

Sempena pembukaan cawangan terbaru itu juga, pelbagai aktiviti menarik dianjurkan untuk orang ramai dari jam 10 pagi pada Sabtu ini, antaranya peraduan mewarna, lukisan wajah, belon percuma, persembahan badut, pertunjukan silap mata dan persembahan 'Michael Jackson'.

Borang pendaftaran yang dibuka secara terhad untuk peraduan mewarna boleh diperolehi dari kaunter maklumat pusat beli-belah Penang Times Square manakala pendaftaran ditutup pada 9 Disember ini.